

# INUIT ATAQATIGIIT INATSISARTUNI



UKA2021/046

Oktobarip 27-at 2021

Mariia Simonsen

**Ukiut qulit ingerlaneranni ilinniarfinni Ilisimatusarfimmilu  
ilinniartitsisut ikinnerpaamik 80 %-iisa kalaallisut  
ilinniartitsisalnissaat anguniarlugu periarfissat suunerinik  
Naalackersuisut misissuinissaat pillugu Inatsisartunut  
aalajangiiffigisassatut siunnersuut. Misissuineq UKA2022-mi  
saqqummiunneqassaaq.**

(Inatsisartunut ilaasortaq Doris J. Jensen, Siumut)

Ukiut qulit ingerlaneranni ilinniarfinni Ilisimatusarfimmilu ilinniartitsisut 80 procentiisa kalaallisut oqaatsit atorlugit atuartitsisinnaalnissaat anguniarlugu qanoq iliortoqarsinnaanerannik misissuisoqarnissaa Inatsisartunut ilaasortap Doris Jakobsenip siunnersuutigaa, siunnersuullu Naalackersuisusunit ilalernerqarpoq allannguutigaluguli ukiut amerlassusilinngikkaluarlugit kalaallisut atuartitsisinnaasut malunnaatilimmik amerlanerulernissaat anguniarlugu misissuininngortillugu.

Siunnersuuteqartup tunngavilersuutai arlalitsigut oqallisigineqarsinnaapput, tassami eqqartorneqarsinnaavoq inuusuttuaqqat soraarummeersimanatik atuarfimmit anisartut ilinnialeqqinnerlu ajortut amerlavallaarnerat qallunaatut tuluttullu piginaanikinnerannik pissuteqartoq, tamannalu kalaallisut oqaluttunik ilinniartitsisoqannginnerannik pissuteqarneraq. Soorlu Naalackersuisut akissumminni oqaatigigaat meeqqat atuafianni ilinniartitsisut amerlanerpaartaat kalaallisut atuartitsisinnaapput, ilinniartitsisullu kattuffiannut qanittukkut pulaarnitsinni paasitinneqarpugut ilaasortaat 1300-t ilaat 100 missaanniittuinnaat qallunaajusut allamiuullutilluunniit.

# INUIT ATAQATIGIIT INATSIARTUNI



Inuusuttuaqqat soraarummeeratik ilinniaqqinnatilluunniit atuarfimmit anisarnerat sumik pissuteqarnerseq paasiniagassaqqippoq, isumaqarpungalu apeqput taanna ilinniartitaanermut ataatsimiititaliamit naalakkersuisunut apeqputissaqqissuusoq.

Apeqput allaavoq ilinniartinni Ilisimatusarfimmilu ilinniartitsisut kalaallisut atuartitsisinnaasut 80 procentiisa ukiut qulit ingerlanerinnaanni kalaallisut atuartitsisinnaangortinnissaat piviusorsiortuunersoq. Naalakkersuisut akissutaasigut paasinarsivoq ilinniartinni ingerlaqqiffiusuni GUX-inilu kalaallisut atuartitsisinnaasut amigaataasut, tamatumunngalu pissutaasut ilagigaat tamakkunani ilinniartitsisut qaffasissumik ilinniagaqarsimasariaqarnerat, soorlu kandidatiullutik. Ilisimatusarfiup paasiniaaffigineratigut paasivara tassani siunniussaqtut ilinniartitsisut affaasa nunaqavissuunissaannik, affaasalu nunanit allamiunissaannik. Anguniagaq tamanna pissuteqarpoq Ilisimatusarfik universitetit akuerineqassappat tassani ilinniakkat nunani allani aamma atornerarsinnaassammata, taamaattumillu ilinniartitsisut affaat nunanit allaneersuusariaqarlutik.

Tamakku eqqartoraluartillugit nunatsinni atuarfinni, inuussutissarsiutinik ilinniartinni, ilinniartinnilu ingerlaqqiffiusuni Ilisimatusarfimmilumi kalaallisut oqaatsivut atorlugit ilinniartitsisinnaasunik amerlasuunik peqarnissarput kissaatiginaqaaq. Tamanna assortuussutissaangilaq. Apeqputaavorli tamanna qanoq angusinnaaneripput, taamaattumillu Naalakkersuisut allannguutissatut siunnersuutaat Inuit Ataqatigiinni ilalerusupparput imaattoq: ilinniartitsisut *malunnaatilimmik amerlanerusut* kalaallisut ilinniartitsisalnissaat anguniarlugu periarfissat suunerinik Naalakkersuisut misissueqquneqassasut, misissuinerlu ukiakkut 2022-mi saqqummiunneqassasoq.

Taama oqaaseqarluta siunnersuutip ilinniartitaanermut ataatsimiititalimi sammineqarnissaa innersuussutigaarput.